

6-29

1936

საქართველოს ს.ს.რ.



საგზ. რესპუბლიკის



მუშათა და გლეხთა მთავრობის კანონთა და განკარგულებათა კრებული

სახალხო კომისართა საგზოს და ეკონომიური საგზოს
საქმეთა მმართველობის გამოცემა

1936 წ. აპრილის 29.

№ 10

ტფილისი.

შ ი ნ ა ა რ ს ი:

1936

ფინანსები.

სახმართლო წყობილება და სამმართლის
წარმოება.

63. იმ ნუსხის მე-II კარის შეცვლის შესახებ, რომელშიაც ჩამოთვლილია სხვადასხვა სახის ქონება, რაზედაც გადასახადისა და არასაგადასახადო თანხების წარჩენის გადახდევინების მიქცევა არ შეიძლება.

64. ისეთი სახის ქონების შესახებ, რაზედაც სასამართლო ორგანოების სააღსრულებო ფუნქციით ან მისი თანაბარი დოკუმენტით გადახდევინების მიქცევა არ შეიძლება.

შ ი ნ ა ნ ს ე ბ ი

63. დადგენილება ს.კ.ს

იმ ნუსხის მე-II კარის შეცვლის შესახებ, რომელშიაც ჩამოთვლილია სხვადასხვა სახის ქონება, რაზედაც გადასახადისა და არასაგადასახადო თანხების წარჩენის გადახდევინების მიქცევა არ შეიძლება.

საქართველოს სსრ სახალხო კომისართა საბჭო ადგენს:

მე-III კარი იმ ნუსხისა, რომელშიაც ჩამოთვლილია სხვადასხვა სახის ქონება, რაზედაც გადასახადისა და არასაგადასახადო თანხების წარჩენის გადახდევინების მიქცევა არ შეიძლება (საქ. სსრ კან. კრ. 1933 წ. 23 №-ი, მუხ. 292; 1934 წ. 33 №-ი, მუხ. 246), მიღებულ იქნას შემდეგი რედაქციით:

„II. კერძო პირთა ქონება“.

„2. არ შეიძლება გადახდევინების მიქცევა, ამა ნუსხის მე-3, 4 და 5 მუხლებში აღნიშნულ გამონაკლისთა გარდა, კერძო პირის ისეთ ქონებაზე, როგორიც არის:

ა) მენარჩენისა და მის რჩენაზე მყოფ პირთათვის საჭირო სახმარებელი საზამთრო და საზაფხულო ტანისამოსი, თეთრეული, ფეხსაცმელი და ოჯახში საჭირო სხვა საგნები:

1) სახმარებელი საზამთრო და საზაფხულო ტანისამოსი: ერთ სულზე—საზაფხულო ან საშემოდგომო პალტო ან ნაბადი, ერთი საზამთრო პალტო ან ქურკი (ტყაპუქი); ერთი ხელი საზამთრო კოსტუმი (ქალისათვის ორი საზამთრო კაბა); ერთი საზაფხულო კოსტუმი (ქალისათვის ორი საზაფხულო კაბა); ერთი ყაბალახი, ერთი ფურაქა (შლაპა) და ერთი ქუდი, ბოლო ქალისათვის, ამის გარდა, ორი საზაფხულო და ერთი თბილი მოსახვევი (ან შალი);

2) თეთრეული—სამი ხელი ერთ სულზე;

3) ერთი წყვილი ტყავისა და ერთი წყვილი ნაბდის ფეხსაცმელი ერთ სულზე;

4) ოჯახში სახმარებელი საგნები: ა) ერთ სულზე—ერთი სასადილო ხელსაწყო (თევში, ჩანგალი, დანა და კოვზი) და ერთი საჩაიო ხელსაწყო (ჭიქა ან ფინჯანი და ლამბაქი), ერთი სკამი (ტაბურეტი), ერთი ხელი ლაგინი (ლეიბი ბალიში, ორი ზეწარი, ორი ბალიშის პირი და საბანი, ერთი საწოლი, ორი პირსახოცი); ბ) ერთ ოჯახზე—სამოვარი (ჩაიდან ან თუჯის რამ ქურჭელი წყლის ასადუღებლად), პრიშუსი ან კეროსინაკი, ლაპა, სასადილო მაგიდა, ორი სუფრა, ორი ჩაის ტილო, ორი ქურჭლის ტილო, ორი ვედრო ან ორი კოკა, ერთი სკივრი ან მისი მაგიერი სხვა რამ სათავის ტანისამოსის შესანახად და სამზარეულოსათვის აუცილებლად საჭირო საციქველი (ქვაბები, თუჯია, ქვაბ-საქერი, ჩეკი, ტაფა და სხვა მისთ.);

ბ) სათბობი მარაგი, რაც საჭიროა მენარჩენისა და მის რჩენაზე მყოფ პირთა საქმლის მოსახარშავად და საცხოვრებელი სადგომის გასათბობად სამი თვის განმავლობაში;

გ) წარმოების გაწყობილობა, ინსტრუმენტები, სახელმძღვანელოები და წიგნები, რაც საჭიროა იმ მენარჩენისთვის, რომელიც მუშაობს დაქირავებული შრომის გამოთქყნებლად, ან რომელსაც ჰყავს ერთი დაქირავებული მუშა, უკეთეს ეს გამოწვეულია წარმოების პირობებით და ამ გარემოებას თან არა სდევს საარჩევნო უფლების ჩამორთმევა;

დ) ნედლეული და სათბობი, რაც საჭიროა „გ“ პუნქტში აღნიშნული პირის მუშაობისათვის ორი თვის განმავლობაში;

ე) კოლბერაციული ორგანიზაციის წევრის საპაიო შენატანი;

ვ) თანხა სადაზღვეო საზღაურისა, რაც მენარჩენეს სავალდებულო დაზღვევით ერგება, და აგრეთვე სოციალური დაზღვევის ან სოციალური უზრუნველყოფის წესით მიცემული თანხა.

ჟ. როდესაც გადასახდელი უნდა გადაჰდეს კოლმეურნეს, იგი, მე-2 მუხლში აღნიშნული ქონების გარდა, არ შეიძლება მიიქცეს აგრეთვე შემდეგ ქონებაზე:

ა) კოლმეურნისათვის საჭირო ოთხეუბ საქონელზე, შინაურ ფრინველზე და სასოფლო-სამეურნეო ინვენტარზე, როგორიცაა:

1) ერთ მეურნეობაზე—ერთი ძროხა და ერთი ხბო 1 $\frac{1}{2}$ წლამდე; შინაური ფრინველი (ქათმები, ბატები, იხვები) არა უმეტეს თვითეული სახის ხუთი ცალია; ცხვარი ბატუნის მოშორებამდე (4 თვემდე); ამასთანავე; ერთ სულ მსხვილფეხა რქოსან საქონელს ეთანაბრება ექვსი სული წვრილფეხა საქონელი დასაბეგრი წლოვანებისა;

2) ერთ მეურნეობაზე—საჭირო რაოდენობის წვრილი სასოფლო-სამეურნეო ინვენტარი (ცული, ნამგალი, ფოცხი, ორთითი, ნიჩაბი, ცული და სხვა მისთ.); ნადირობის, თევზაობისა და სხვა რეწაობისათვის საჭირო სარეწაო იარაღი იმ მეურნეობაში, სადაც ასეთი რეწაობა შემოსავლის ძირითადი წყაროა;

ბ) საცხოვრებელ სახლზე და სამეურნეო შენობაზე, რაც კოლმეურნის მეურნეობის საჭირო კუთვნილებას შეადგენს;

გ) სასურსათო პროდუქტებზე—ისეთი რაოდენობით, რაც საჭიროა კოლმეურნისათვის და მის რჩენაზე მყოფთათვის ახალ მოსავლამდე შემდეგი ანგარიშით თვითეულ სულზე თვეში: 15 კგ ფქვილი ან 17 კგ მარცვლეული (სიმინდის და ქერის ფქვილისა და მარცვლისათვის ნორმა გადიდდება 25%-ით), 15 კგ კარტოფილი, 2 კგ ბურღული (ან 3 კგ ლობიო), 4 კგ ბოსტნეული ყველა სახისა (ან 4 კგ თევზი), 500 გ ცხიმეული (ან 2 კგ ნივთი) და 1,5 კგ მარილი;

დ) საქონლის საკვებზე—ისეთი რაოდენობით, რაც საჭიროა საკვების ახალ მოსავლამდე შემდეგი ანგარიშით თვეში: ძროხისთვის—320 კგ თივა, ხბოსთვის—210 კგ თივა, წვრილფეხა რქოსანი საქონლისთვის—50 კგ თივა; ამასთანავე, მენარჩენის განცხადებისამებრ, თივა შეიძლება შეიცვალოს სათანადო რაოდენობის ჩალით—ფქვილის ან ქატოს შერევით, ან სათანადო რაოდენობის კონცენტრირებული საკვებით;

ე) თესლზე—ისეთი რაოდენობით, რაც საჭიროა დასათესად მიმდინარე სამეურნეო წელს შემდეგი ანგარიშით ფაქტიურად დასათეს ერთ ჰექტარ ფართობზე: საგაზაფხულო და საშემოდგომო ხორბალი, შვრია და ქერი—180 კგ, ქვავი—150 კგ, სიმინდი—35 კგ, კართოფილი—1.500 კგ, ცულცი, ლობიო, მუხტულო და ოსპი—120 კგ, გრძინა—120 კგ, სოია—60 კგ, მისუმბირის თესლი—22 კგ, აბუსალათინის თესლი—45 კგ, ფეტვი—30 კგ, ყანაფის თესლი—120 კგ, სელის თესლი—90 კგ, ბაშბის თესლი—60 კგ, კენაფის თესლი—30 კგ, ონჯისა და სამყურის თესლი—20 კგ, ესპარცეტის თესლი—100 კგ, და თამბაქოს თესლი 500 გ;

ვ) ბოსტნის, ბალის, ვენახის, საშხილის, თამბაქოს პლანტაციისა და ბაღის აულებელ მოსავალზე, ისეთების გარდა, რომელთაც სამრეწველო მნიშვნელობა აქვთ.

4. როდესაც გადასახდელი უნდა გადაჰდეს ერთპიროვნულ შრომითს მეურნეობას, რომელიც სასოფლო-სამეურნეო გადასახადით იბეგრება, გადახდებიანება არ შეიძლება მიიქცეს შემდეგ ქონებაზე:



ა) მენარჩენისა და მის რჩენაზე მყოფთათვის საჭირო სახმარებელ საზამთრო და საზაფხულო ტანისამოსს, თეთრეულს, ფეხსაცმელს და ოჯახში სახმარებელ სხვა საჭირო საგნებზე, ამა ნუსხის მე-2 მუხლის „ა“ პუნქტში აღნიშნული რაოდენობით;

ბ) სათბობის მარაგზე—ისეთი რაოდენობით, რაც საჭიროა მენარჩენისა და მის რჩენაზე მყოფთა საცხოვრებელი სადგომის გასათბობად სამი ოვის განმელობაში;

გ) ერთ საცხოვრებელ სახლზე.

5. როდესაც გადასახდელი უნდა გადაჰდეს კულაკურ მეურნეობას და იმ პირს, რომელიც საშემოსავლო გადასახადით მე-III კატეგორიის კვალობაზე იბეგრება, გადახდევინება არ შეიძლება მიიქცეს მხოლოდ მენარჩენისა და მის რჩენაზე მყოფ პირთათვის საჭირო სახმარებელ საზამთრო და საზაფხულო ტანისამოსს, თეთრეულს, ფეხსაცმელს და ოჯახში სახმარებელ სხვა საჭირო საგნებზე, რაც აღნიშნულია ამა ნუსხის მე-2 მუხლის „ა“ პუნქტში“.

საქ. სსრ ს.კ.ს-ოს თავმჯდომარის მოადგ. ბ. მდივანი.

საქ. სსრ ს.კ.ს-ოს საქმეთა მმართველის მოადგ. ს. მებუჯე.

1936 წ. მარტის 23. № 293

ტფილისი.

სასამართლო წყობილება და სამართლის წარმოება

64. დადგენილება: ს. ძ. ს.

ისეთი სახის ქონების შესახებ, რაზედაც სახამართლო ორგანოების სააღსრულებო ფურცლით ან მისი თანაბარი დოკუმენტით გადახდევინების მიქცევა არ შეიძლება.

სამოქალაქო სამართლის საპროცესო კოდექსის 318 მუხლის თანახმად (საქ. სსრ კან. კრ. 1934 წ. მე-19 №-ი, მუხ. 173), საქართველოს სსრ სახალხო კომისართა საბჭო აღგენს:

1. სასამართლო ორგანოების სააღსრულებო ფურცლით ან ამ ფურცელთან გათანაბრებული დოკუმენტით გადახდევინების მიქცევის დროს შეიფარდება მე-II კარი იმ ნუსხისა, რომელშიაც ჩამოთვლილია სხვადასხვა სახის ქონება, რაზედაც გადასახადისა და არასაგადასახადო თანხების ნარჩენის გადახდევინების მიქცევა არ შეიძლება (საქ. სსრ კან. კრ. 1936 წ. მე-10 №-ი, მუხ. 63).

ხოლო, ამასთანავე, ნუსხაში აღნიშნული ქონების გარდა, გადახდევინება არ შეიძლება მიიქცეს აგრეთვე შემდეგ სასოფლო-სამეურნეო ინვენტარსა და მუშა საქონელზე (თვითეულ საგლებო მეურნეობაში): ერთ გუთანზე, ერთ კავ-

ზე, ერთ ფარცხზე, ერთ საზიდავსა ან ურემზე, ერთ მარხილზე, ცხენისყრასა და მოსართავზე, ერთ ცხენსა ან ერთ ჯორზე, ან ერთ უღელხარზე თუ კამეჩზე, ან და სხვა სახის მუშა-საქონელზე სათანადო რაოდენობით და ერთ სულ მოზარდეულ მუშა-საქონელზე სამ წლამდე.

2. ამა დადგენილების 1-ლი მუხლის გამონაკლისად, კულაკურ მეურნეობაზე და მე-III კატეგორიის საშემოსავლო გადასახადით დასაბეგრავი პირი ქონებაზე გადახდევინების მიქცევის დროს ზემოაღნიშნული ნუსხის მე-5 მუხლის შეიფარდება მხოლოდ იმ შემთხვევაში, როდესაც გადახდევინება უნდა მოხდეს სახელმწიფო დაწესებულებათა და საწარმოთა, კოლექტიურ მეურნეობათა, კოპერაციულ და საზოგადოებრივ ორგანიზაციათა სასარგებლოდ, ან როდესაც გადასახდევინებელია სამუშაო ხელფასი და ალიმენტი და ასაზღაურებელია მშრომელის პიროვნებისა თუ ქონებისთვის მიყენებული ზიანი.

3. ამა დადგენილების 1-ლი მუხლის გამონაკლისად, როდესაც გადახდევინება უნდა მოხდეს სახელმწიფო დაწესებულებათა და საწარმოთა, კოლექტიურ მეურნეობათა, კოპერაციულ და საზოგადოებრივ ორგანიზაციათა ქონების გატაცებით, გაულანგვით და მითვისებით მიყენებული ზიანის ასანაზღაურებლად, ყველა შემთხვევაში შეიფარდება ზემოხსენებული ნუსხის მე-II კარის მე-5 მუხლი.

ამასთანავე, გადახდევინება შეიძლება მიქცეულ იქნას იმ ქონებაზედაც, რომელსაც მსჯავრდადებული (მოპასუხე) ჰვლობს სხვა პირებთან ერთად, სხვათა შორის — იმ საგლებო კომლის საერთო ქონებაზე, რომელსაც ეკუთვნის მსჯავრდადებული (მოპასუხე), აგრეთვე მეუღლეთა საერთო ქონებაზე, უკეთუ სასამართლოში გამოიჩვენება, რომ საერთო ქონებამ იმატა დანაშაულის მეოხებით.

4. ამა დადგენილების 1-3 მუხლები შეტანილ იქნას სამოქალაქო სამართლის საპროცესო კოდექსში მე-III დანართის სახით (318 მუხლისა).

5. საქართველოს სსრ სახალხო კომისართა საბჭოს 1934 წ. ივლისის 28-ის დადგენილებით დამტკიცებული ნუსხა ისეთი ქონებისა, რომელზედაც გადახდევინების მიქცევა სასამართლო ორგანოების სააღსრულებო ფურცლით და მისი თანაბარი დოკუმენტით არ შეიძლება (საქ. სსრ კან. კრ. 1934 წ. მე-19 №-ი, მუხ. 174), გაუქმებულ იქნას.

საქ. სსრ ს.კ.ს-ის თავმჯდომარე გ. მგალობლიშვილი.

საქ. სსრ. ს.კ.ს-ის საქმეთა მმართველი ა. ქავთარაძე.

36

გ ა ნ რ ი ბ ე ბ ა

საქართველოს სსრ მიუშათა და გლუხთა მთავრობის

კანონთა და განკარგულებათა კრებულის

უფასოდ დაგზავნიხათვის 1936 წელს

№№ რიგზე	დაწესებულებანი	ცალების რიცხვი
1	ავტონომიური რესპუბლიკების და ავტონომიური ოლქის ცენტრალურ აღმასრულებელ კომიტეტებს	5
2	სარაიონო აღმასრულებელ კომიტეტებს და საქალაქო საბჭოებს	2
3	სასოფლო საბჭოებს	1
4	საქართველოს სსრ სახალხო კომისარიატებს და მათ თანაბარ ცენტრალურ სამმართველოებს	3
5	საქართველოს სსრ იუსტიციის სახალხო კომისარიატს	7
6	ავტონომიური რესპუბლიკების და ავტონომიური ოლქის სახალხო კომისარიატებს და ცენტრალურ სამმართველოებს	2
7	ავტონომიური რესპუბლიკების და ავტონომიური ოლქის იუსტიციის ცენტრალურ ორგანოებს	3
8	საქართველოს სსრ უზენაეს სასამართლოს	12
9	ავტონომიური რესპუბლიკების და ავტონომიური ოლქის უმაღლეს და მთავარ სასამართლოებს	5
10	სახალხო სასამართლოებს	1
11	სარაიონო პროკურორებს	1
12	სახალხო გამომძიებლებს	1



ფახი 20 კაბ.

გამომცემელი საქ. სსრ ს. კ. ს-ის 1936 წ. № 19. პ/მ. რედაქტორი მ. გამრეკელი
საქმ. მმართველობა

აღალდის ფორმატი 62x94 სმ.; 2/3 ბეჭდვ. ფურც.; 1 ბეჭდვ. ფურც. 48.500 სტამბ. ნიშანი
გადაცა სტამბას 29/III ხელმოწერილია დასაბეჭდად 25/IV ტირაჟი 2500
თავლ. რწმ. № 87051 საქ.სახ.კომ.საბჭოს საქმ. მმართველ. სტამბა, ტფილისი. შეგვ. № 320